

EDMUNDS, WILLIAM (1827 - 1875), ysgolfeistr a llenor

Enw: William Edmunds

Dyddiad geni: 1827

Dyddiad marw: 1875

Rhyw: Gwryw

Galwedigaeth: ysgolfeistr a llenor

Maes gweithgaredd: Crefydd; Addysg; Llenyddiaeth ac Ysgrifennu; Ysgolheictod ac Ieithoedd

Awdur: David Gwenallt Jones

Ganwyd yn Llanbedr-Pont-Steffan, Sir Aberteifi, bedyddiwyd 27 Rhagfyr 1827. Aeth i ysgol ramadeg Llanbedr Pont Steffan, ac yn 19 oed i Goleg Dewi Sant, Llanbedr Pont Steffan. Enillodd yno wobrau lawer; cyrhaeddodd y rheng flaenaf a chad yr anrhydeddau mwyaf. Ar ôl gadael y coleg aeth yn is-brifathro Coleg Hyfforddi Caerfyrddin; yn ystod y cyfnod hwn ordeiniwyd ef yn offeiriad gan yr esgob Thirlwall, ac enillodd ' Wobr yr Esgob.' Pan ddaeth swydd prifathro ysgol ramadeg Llanbedr pont Steffan yn wag, cafodd hi, a bu'n llwyddiannus iawn. Ddi bechgyn yno o bob sir yng Nghymru, ac ar un adeg yr oedd hanner myfyrwyr Coleg Dewi Sant yn hen ddisgyblion yno, ac enillodd rhai ohonynt anrhydeddau uchel yng ngholegau Caergrawnt a Rhydychen. Yn 1863 rhoddwyd iddo ficeriaeth Rhostiê, Sir Gaerfyrddin, ond ficer absennol ydoedd. Yn 1856 cyhoeddodd lyfryn: *Gwers-lyfr Llanbedr: yn Cynwys Gwersi Hawdd i Ddysgu Sillebu a Darllen Cymraeg*. Yn 1856 cyhoeddodd hefyd 8fed arg. *Y Ffydd Ddiffuant* ([Charles Edwards](#)), gyda nodiadau. Darllenodd bapur o flaen y ' Cambrian Archaeological Association ' yn Aberteifi, 1859, a chyhoeddwyd ef yn 1860 yn *Archæologia Cambrensis*, ac yn yr un flwyddyn yn llyfryn, *On Some Old Families in the Neighbourhood of Lampeter*. Yn 1854 cyhoeddodd yr 11eg arg. o *Drych y Prif Oesoedd* ([Theophilus Evans](#)), gyda rhagymadrodd. Bu farw 21 Ionawr 1875, a chladdwyd ef yn eglwys blwyf Llanbedr-Pont-Steffan.

Awdur

David Gwenallt Jones, (1899 - 1968)

Ffynonellau

H. Blackwell, [NLW MSS 9256A: A Dictionary of Welsh Biography](#)

Dolenni Ychwanegol

Wikidata: [Q20734593](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchfrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

